

1.- PRESENTACIÓN.

O Programa Estatístico Anual da Comunidade Autónoma de Galicia para o 2011, aprobado polo Decreto 213/2010, do 16 de decembro, establece como unha das operacións estatísticas a realizar pola Secretaría Xeral da Igualdade, a estatística de violencia de xénero, na que se recollen os datos correspondentes aos expedientes tramitados entre o 1 de xaneiro e o 30 de xuño de 2011, e entre o 1 de xullo e o 31 de decembro de 2011.

2.- NORMATIVA APLICABLE.

2.1.- Normativa da ONU.

- Declaración sobre a eliminación da violencia cara á muller, do 20 de decembro de 1993.
- Declaración de Beijing (1995).
- Resolución 2002/52 da Comisión de Dereitos Humanos da ONU.

2.2.- Normativa europea.

- Recomendación do Comité de Ministros do Consello de Europa (2002) sobre a protección das mulleres contra a violencia (adoptada o 30 de abril de 2002).
- Decisión nº 803/2004/CE do Parlamento Europeo, pola que se aproba un programa de acción comunitario (2004-2008) para previr e combater a violencia exercida sobre a infancia, a mocidade e as mulleres e protexer as vítimas e grupos de risco.

2.3.- Normativa estatal.

- 2.3.1.- Lei orgánica 1/2004, do 28 de decembro, de medidas de protección integral contra a violencia de xénero. (BOE 313, do 29-12-2004.)
- 2.3.2.- Real decreto 1452/2005, do 2 de decembro, polo que se regula a axuda económica establecida no artigo 27 da Lei Orgánica 1/2004, de 28 de decembro, de medidas de protección integral contra a violencia de xénero.
- 2.3.3.- Lei 27/2003, de 31 de xullo, reguladora da Orde de protección das vítimas da violencia doméstica.
- 2.3.4.- Real Decreto 95/2009, do 6 de febreiro, polo que se regula o sistema de rexistros administrativos de apoio á Administración de Xustiza.
- 2.3.5.- Real Decreto 1369/2006, do 24 de novembro, polo que se regula o programa de renda activa de inserción para desempregados con especiais necesidades económicas e dificultade para encontrar emprego.

2.4.- Normativa autonómica.

- 2.4.1.- Estatuto de autonomía para Galicia,
- 2.4.2.- Reais decretos de transferencia 2411/1982, do 24 de xullo, e 534/1984, do 25 de xaneiro.
- 2.4.3.- Lei 13/2008, do 3 de decembro, de servizos sociais de Galicia.
- 2.4.4.- Lei 11/2007, do 27 de xullo, galega para a prevención e o tratamento integral da violencia de xénero.
- 2.4.5.- Lei 2/2007, do 28 de marzo, do traballo en igualdade das mulleres de Galicia. "Disposición adicional sexta.- Mulleres con especiais dificultades de inserción laboral ou en situacións marcadas pola desvantaxe social. A expresión mulleres con especiais dificultades de inserción laboral ou en situacións marcadas pola desvantaxe social utilizada nesta lei comprenderá, sempre como mínimo, para os efectos desta lei e dos seus desenvolvementos regulamentarios, a mulleres: a) vítimas de violencia de xénero..."
- 2.4.6.- Resolución do 14 de xaneiro de 2011 (DOG nº 12, do 19 de xaneiro), pola que se regulan as bases e se convocan axudas periódicas de apoio a mulleres que sofren violencia.
- 2.4.7.- Resolución do 8 de marzo de 2011 (DOG nº 49, do 11 de marzo), da Secretaría Xeral da Igualdade, pola que se establecen as bases reguladoras e se convocan as axudas establecidas no artigo 27 da Lei orgánica 1/2004, do 28 de decembro, de medidas de protección integral contra a violencia de xénero, e no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.
- 2.4.8.- Orde do 2 de maio de 2006 pola que se regula o programa de fomento da inserción laboral das mulleres vítimas de violencia.

2.4.9.- Decreto 84/2010, do 27 de maio, polo que se regula o Programa Aluga, para o fomento do aluguer de vivendas na Comunidade Autónoma de Galicia.

2.4.10.- Orde do 12 de xullo de 2007 pola que se regulan medidas de acción positiva para a adxudicación de vivendas no programa de vivenda de aluguer a mulleres vítimas de violencia de xénero.

2.5.- Organización.

2.5.1.- Normas competenciais:

2.5.1.1.- Decreto 82/2009, do 21 de abril, polo que se establecen os centros directivos dependentes da Presidencia da Xunta de Galicia.

2.5.1.2.- Decreto 325/2009, do 18 de xuño, de estrutura orgánica dos órganos superiores dependentes da Presidencia da Xunta de Galicia, modificado polo Decreto 215/2010, do 16 de decembro.

3.- UNIDADES ESTADÍSTICAS.

3.1.- PRESTACIÓNS ECONÓMICAS DIRECTAS.

3.1.1.- Axuda de pagamento único.

Expedientes de concesión de axudas de pagamento único a mulleres vítimas de violencia de xénero.

No ano 2011 réxese pola Resolución do 8 de marzo de 2011 (DOG nº 49, do 11 de marzo), da Secretaría Xeral da Igualdade, pola que se establecen as bases reguladoras e se convocan as axudas establecidas no artigo 27 da Lei orgánica 1/2004, do 28 de decembro, de medidas de protección integral contra a violencia de xénero, e no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.

Segundo se establece no artigo 4º das bases reguladoras recollidas na citada resolución, a situación de violencia acredítase pola orde de protección a favor da vítima, informe do Ministerio Fiscal que indique a existencia de indicios de que a denunciante é vítima de violencia de xénero en tanto non se dite a orde de protección, así como a sentenza condenatoria definitiva, ou definitiva e firme, que conteña medidas de protección que acrediten a actualidade da situación de violencia.

Os requisitos esixibles son ser muller, maior de idade ou emancipada; carecer de rendas que, en cómputo mensual, superen o 75 por cento do salario mínimo interprofesional vixente, excluída a parte proporcional de dúas pagas extraordinarias; ter especiais dificultades para obter un emprego, que se acreditará a través do informe do Servizo Público de Emprego; ter vixentes as medidas de protección establecidas nunha orde de protección, informe do Ministerio Fiscal ou sentenza xudicial, e non ter percibido esta axuda con anterioridade. A axuda é exclusivamente compatible coas axudas previstas na Lei 35/1995, do 11 de decembro, de axudas e asistencia ás vítimas de delitos violentos e contra a liberdade sexual. En consecuencia, é incompatible coa percepción de calquera outra axuda establecida tanto polas administracións públicas ou calquera dos seus organismos, entes ou sociedades, como por calquera entidade privada destinada ao mesmo fin.

A axuda consiste na contía económica seguinte:

| Tipoloxía | Importe do subsidio de desemprego |
|---|-----------------------------------|
| - Con carácter xeral. | 6 meses |
| - 1 familiar ou menor acollido pola vítima. | 12 meses |
| - Discapacidade da vítima \geq 33% | 12 meses |
| - 2 ou mais familiares ou menores acollidos pola vítima, ou 1 familiar e 1 menor. | 18 meses |
| - 1 familiar ou menor acollido pola vítima, e conxuntamente discapacidade da vítima ou da persoa dependente \geq 33% | 18 meses |
| - 2 ou máis familiares ou menores (ou 1 familiar e 1 menor) acollidos pola vítima, e conxuntamente, discapacidade \geq 33% da vítima ou da persoa dependente. | 24 meses |
| - Vítima, ou familiar ou menor acollido con discapacidade \geq 65% | 24 meses |

3.1.2.- Axuda periódica.

Expedientes de concesión de axudas de pagamento periódico a mulleres vítimas de violencia de xénero.

No ano 2011, réxese pola Resolución do 14 de xaneiro de 2011 (DOG nº 12, do 19 de xaneiro), pola que se regulan as bases e se convocan axudas periódicas de apoio a mulleres que sofren violencia.

O artigo 1 desta resolución dispón que “ten por obxecto establecer as bases que rexerán a concesión de axudas económicas, individuais e de carácter periódico, de apoio a mulleres que sofren violencia de xénero, baixo o réxime de concorrencia non competitiva.”

Son requisitos para percibir esta axuda: ser muller, maior de idade ou emancipada, residir na Comunidade Autónoma de Galicia, acreditar a situación de violencia derivada de convivencia con algún dos documentos seguintes: certificación da orde de protección ou da medida cautelar, testemuño ou copia autenticada polo/a secretario/a xudicial da propia orde de protección ou da medida cautelar; sentenza de calquera orde xurisdiccional, que declare que a muller sufriu violencia de xénero; informe dos servizos sociais e/ou sanitarios da administración pública autonómica ou local, informe dos servizos de acollida ou informe do Ministerio Fiscal que indique a existencia de indicios de violencia, carecer de dispoñibilidade de recursos económicos ou ser de contía insuficiente para afrontar unha independencia inmediata do seu agresor e non ter percibido esta axuda con anterioridade.

A axuda consiste nunha contía económica destinada directamente á beneficiaria, de carácter periódico, ata o máximo de doce mensualidades, sempre que nese período subsistan as circunstancias polas que se concede. As contías son:

| Ingresos | Contía axuda por mes |
|--|----------------------|
| Ingresos ≤ IPREM 2011. Carácter xeral. | 600 € |
| Ingresos ≤ IPREM 2011 e unha filla/o menor a cargo// ou discapacidade das vítimas ≥ 33% | 650 € |
| Ingresos ≤ IPREM 2011 e unha filla/o menor a cargo e esta/e ou a solicitante teñan unha discapacidade ≥ 33% | 700 € |
| Ingresos ≤ IPREM 2011 e dúas ou máis fillas/os menores a cargo. | 700 € |
| Ingresos ≤ IPREM 2011 e dúas ou máis fillas/os menores a cargo e esta/e ou a solicitante teñan unha discapacidade ≥ 33% | 800 € |
| Ingresos ≤ IPREM 2011 e unha filla/o menor a cargo e esta/e ou a solicitante teñan unha discapacidade ≥ 65% ou teñan recoñecido grao de dependencia de acordo coa Lei 39/2006, do 14 de decembro. | 800 € |
| Ingresos > IPREM 2011 e ≤ 1,5 veces IPREM 2011. Carácter xeral. | 300 € |
| Ingresos > IPREM 2011 e ≤ 1,5 veces IPREM 2011 e unha filla/o menor a cargo// ou discapacidade da vítimas ≥ 33% | 350 € |
| Ingresos > IPREM 2011 e ≤ 1,5 veces IPREM 2011 e unha filla/o menor a cargo e esta/e ou a solicitante teñan unha discapacidade ≥ 33% | 400 € |
| Ingresos > IPREM 2011 e ≤ 1,5 veces IPREM 2011 e dúas ou máis fillas/os menores a cargo. | 400 € |
| Ingresos > IPREM 2011 e dúas ou máis fillas/os menores a cargo e esta/e ou a solicitante teñan unha discapacidade ≥ 33% | 500 € |
| Ingresos > IPREM 2011 e ≤ 1,5 veces IPREM 2011 e unha filla/o menor a cargo e esta/e ou a solicitante teñan unha discapacidade ≥ 65% ou teñan recoñecido grao de dependencia de acordo coa Lei 39/2006, do 14 de decembro. | 500 € |

A contía da axuda concedida aboaráselles ás solicitantes en pagamentos periódicos por mensualidades vencidas.

3.1.3.- Indemnización establecida no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.

Expedientes de concesión da axuda establecida no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.

No ano 2011 réxese pola Resolución do 8 de marzo de 2011 (DOG nº 49, do 11 de marzo), da Secretaría Xeral da Igualdade, pola que se establecen as bases reguladoras e se convocan as axudas establecidas no artigo 27 da Lei orgánica 1/2004, do 28 de decembro, de medidas de protección integral contra a violencia de xénero, e no artigo 43 da Lei 11/2007, do 27 de xullo, galega para a prevención e o tratamento integral da violencia de xénero.

Esta liña de axúdas ten por obxecto proporcionar axuda económica en forma de indemnización dirixida ás mulleres que sofren violencia de xénero e/ou as e os menores ou persoas dependentes delas polos danos e prexuízos ocasionados como consecuencia da situación de violencia. Trátase de indemnizacións fixadas mediante sentenza xudicial ditada por xulgados e tribunais con sede no territorio galego, no caso de incumprimento, por insolvencia, por parte do obrigado a satisfacelas.

Poden ser beneficiarias destas axudas: as mulleres que sufran violencia de xénero, as persoas menores de idade que dependan dunha muller que sufra violencia de xénero, as persoas maiores de idade que dependan economicamente dunha muller que sufra violencia de xénero e as persoas dependentes baixo o coidado dunha muller que sufra violencia de xénero.

Son requisitos para percibir esta axuda: estar empadroada e ter residencia efectiva en calquera dos concellos da Comunidade Autónoma de Galicia, ter dereito á percepción dunha indemnización, por danos e perdas derivados dunha situación de violencia de xénero, recoñecida nunha resolución xudicial firme ditada por un xulgado ou tribunal con sede na Comunidade Autónoma de Galicia, que exista constatación xudicial do incumprimento do deber de satisfacer a indemnización por insolvencia do obrigado ao pagamento e que a persoa beneficiaria se atope nunha situación de precariedade económica como consecuencia da falta de pagamento da indemnización xudicialmente recoñecida.

A contía da indemnización é a fixada pola resolución xudicial correspondente que quede pendente de pagamento tras a declaración de insolvencia do obrigado a el, sen que a contía máxima poida ser superior a 6.000 € por cada persoa beneficiaria.

3.2.- PRESTACIÓNS DE SERVIZOS.

3.2.1.- Atención polo Punto de Coordinación das Ordes de Protección.

Expedientes de seguimento de medidas de protección de mulleres vítimas de violencia de xénero.

Estes expedientes ábrese pola entrada no PCOP, dependente da Secretaría Xeral da Igualdade, da comunicación dos xulgados competentes da adopción dunha resolución xudicial (auto ou sentenza) que implica pronunciamento sobre medidas ou ordes de protección. A información (sentenzas/autos/medidas/ordes de protección) remítese desde os xulgados. O funcionamento xeral é de apertura dun expediente por vítima; o que supón que en certo número de casos dentro dun mesmo expediente, faise un seguimento a sucesivas medidas ou ordes de protección.

3.3.- ACREDITACIÓNS.

Solicitudes e expedición de certificacións/acreditacións da condición de vítima de violencia de xénero.

3.3.1.- Certificación acreditativa da condición de vítima de violencia de xénero, aos efectos da incorporación ao programa de inserción laboral deste colectivo.

O artigo 2º.b da orde do Orde do 2 de maio de 2006 establece como un dos documentos que debe acompañar á solicitude de incorporación ao programa, a Certificación acreditativa da condición de vítima, expedida polo Punto de Coordinación das Ordes de Protección, dependente da Secretaría Xeral da Igualdade.

3.3.2.- Informe técnico da Secretaría Xeral da Igualdade.

Debe incluír referencias á situación persoal e familiar da solicitante, á intervención social acordada e á súa situación de vivenda, aos efectos da adjudicación directa de vivendas de aluguer a mulleres vítimas de violencia de xénero (Decreto 84/2010, do 27 de maio, polo que se regula o Programa Aluga, para o fomento do aluguer de vivendas na Comunidade Autónoma de Galicia e Orde do 12 de xullo de 2007 pola que se regulan medidas de acción positiva para a adjudicación de vivendas no programa de vivenda de aluguer a mulleres vítimas de violencia de xénero).

4.- DATOS ESTADÍSTICOS.

4.1.- Expedientes de concesión de axudas de pagamento único.

| Provincia | Nº resolucíons favorables | | |
|--------------|---------------------------|-------------|-----------|
| | 1º semestre | 2º semestre | Total |
| A Coruña | 3 | 10 | 13 |
| Lugo | 3 | 3 | 6 |
| Ourense | 1 | 4 | 5 |
| Pontevedra | 7 | 17 | 24 |
| Total | 14 | 34 | 48 |

4.2.- Expedientes de concesión de axudas de pagamento periódico.

| Provincia | Nº resolucíons favorables | | |
|--------------|---------------------------|-------------|------------|
| | 1º semestre | 2º semestre | Total |
| A Coruña | 48 | 32 | 80 |
| Lugo | 17 | 13 | 30 |
| Ourense | 23 | 11 | 34 |
| Pontevedra | 66 | 41 | 107 |
| Total | 154 | 97 | 251 |

4.3.- Expedientes de concesión da indemnización regulada no artigo 43 da lei galega 11/2007.

| Provincia | Nº resolucíons favorables | | |
|--------------|---------------------------|-------------|----------|
| | 1º semestre | 2º semestre | Total |
| A Coruña | 1 | 0 | 1 |
| Lugo | 0 | 0 | 0 |
| Ourense | 0 | 0 | 0 |
| Pontevedra | 0 | 0 | 0 |
| Total | 1 | 0 | 1 |

4.4.- Atención polo Punto de Coordinación das Ordes de Protección.

Novos expedientes seguidos

| Provincia | Nº expedientes | | |
|--------------|----------------|-------------|------------|
| | 1º semestre | 2º semestre | Total |
| A Coruña | 151 | 204 | 355 |
| Lugo | 93 | 84 | 177 |
| Ourense | 50 | 43 | 93 |
| Pontevedra | 208 | 163 | 371 |
| Total | 502 | 494 | 996 |

Medidas de protección comunicadas

| Provincia | Nº ordes protección | | |
|--------------|---------------------|-------------|-------------|
| | 1º semestre | 2º semestre | Total |
| A Coruña | 194 | 296 | 490 |
| Lugo | 114 | 112 | 226 |
| Ourense | 75 | 68 | 143 |
| Pontevedra | 254 | 235 | 489 |
| Total | 637 | 711 | 1348 |

4.5.- Certificación acreditativa da condición de vítima de violencia de xénero, aos efectos da incorporación ao programa de inserción laboral deste colectivo.

| Provincia | Nº certificacións emitidas | | |
|--------------|----------------------------|-------------|------------|
| | 1º semestre | 2º semestre | Total |
| A Coruña | 43 | 62 | 105 |
| Lugo | 17 | 13 | 30 |
| Ourense | 20 | 36 | 56 |
| Pontevedra | 65 | 58 | 123 |
| Total | 145 | 169 | 314 |

4.6.- Informe técnico da Secretaría Xeral da Igualdade aos efectos da concesión de vivenda en aluguer.

| Provincia | Nº informes emitidos | | |
|--------------|----------------------|-------------|------------|
| | 1º semestre | 2º semestre | Total |
| A Coruña | 51 | 29 | 80 |
| Lugo | 20 | 15 | 35 |
| Ourense | 8 | 26 | 34 |
| Pontevedra | 69 | 71 | 140 |
| Total | 148 | 141 | 289 |